



Universitätsbibliothek Paderborn

**Avla ... Thesavrvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 75. An putas quia non possum rogare patrem meum, & exhibebit mihi
modo plus quam duodecim legiones Angelorum. v. 53.

urn:nbn:de:hbz:466:1-45515

§. 74. Omnis enim qui accipit gladium gladio peribit. v. 52.

Audiamus utile Argumentum quare suadeat Christus Petru ut gladium recondat in vaginam, primum insinuatur his verbis : *Omnis enim qui accipit gladium gladio peribit* quasi dicat, nescis legem illam Dei Gen. 9. quicunque fuderit humanum sanguinem, fundetur sanguis illius? & illam Exod. 21. qui percussit hominem volens occidere, morte moriatur : Privatam ergo vindictam prohibet Dominus, non ademit gladium magistrati, quod volunt Anabaptistæ : imo vero manifeste tribuit, dum ait, homicidas gladio perituros. Experti sunt hoc ipsum Iudæi qui quoniam cum gladiis & fustibus comprehenderunt Christum gladiis Romanorum occubuerunt: quia Christum crucifixerunt, crucifixi & ipsi sunt, & quidem cum magno sceno-re, ita ut corporibus cruces deessent teste Iosepho Denique quia Christum præatio emerunt, præatio & ipsi venditi sunt.

Vere & bene dixisti Domine per servum tuum: *per qua quis peccat, per hac & punietur*, experti id ipsum sunt Iudæi, da igitur mihi gratiam hanc benignissime Deus ne unquam peccem in te per membra aut potentias sive corporis sive animæ, ne per ea puniar, sed iis utar ad tui solius gloriam.

§. 75. *An putas quia non possum rogare patrem meum, & exhibebit mihi modo plus quam duodecim legiones Angelorum.* v. 53.

Argumento alio enervat Petri temeritatem in extra hendo gladio contri-tot armatos prius Dominus, per modum interrogationis: *an putas?* quasi diceret, ad quid mihi tuus gladius? an dubitas, quod si me defendere vellem pro duodecim discipulis defensoribus non possum habere duodecim legio-nes Angelorum? Ecce etiam Angelorum se profitetur, qui eos habet paratos, Dominum imo non indigere se auxilio Angelorum simul demonstrat, ma-gis enim Angeli opus habent auxilio unigeniti filii Dei, quam ipse Angelorum ope.

Respice nunc ô anima mea oculis cordis Dominum & Creatorem tuum cuius celitudinem mirantur Angeli, quam abiectus esse velit & humiliari propter peccata tua. Age stupens & contremiscens admirare, vide & diligenter rimare uti altissima illa maiestas pro te immensa vilitate sele deicerit & quasi annihilarit, maxime vero capiendo amorem illum ardentissi-mum, ex quo istud facere voluit, quandoquidem ille solus fuit in causa, cur-patiatur, nec velit liberari, ut te perditum salvet in æternum.

Iraque, O Deus misericordissime, quam tibi reddam vicem pro omni hac inestibili gratia & amore? multum quidem haec tenus mirati sumus quod te ad humanæ naturæ susceptionem deicere & in præsepi collocari voluisti, sed

Sed ista humilitas & abjectio multum illam superat, neque enim iam homo
sed abjectus plane vermiculus esse catus est, illic quidem eras inter grata piissimæ
matris brachia, sed hic inter nudas ferocium manus Iudæorum: ibi
Deus & homo adorabaris, hic ut latro caperis; ibi regia tibi osterebantur
munera, hic cæderis, blasphemaris, contemneris, irrideris, ut mei miserearis,
exaltes in cœlis, a morte liberes æterna. Quid igitur retribuam Domino pro
omnibus quæ retribuit mihi? Calicem salutaris accipiam & nomen Domini
invocabo die ac nocte.

§. 76. Quomodo ergo implebuntur Scripturae? v. 54.

Pergit Christus in illo tanto tumultu animo præsentissimo ore pacatissimo, alio argumento ulterius persuadere Petro, ut reconderet gladium, nec opus esse putaret defensione sua, quia ita esset præfinitū à Deo Patre in consilio deitatis, revelante per fidem & traditione & sacra scriptura, qua crebro nimis, nimisque aperte prædictum erat Christum passurum, & iam esse illam horam, & ideo non impediendam. Siste ergo, sistete Petre, mitte gladium. Hæc est enim voluntas patris, ut Christus patiatur ut homo, & ita intrerit in grariam suam & secum multos eo adducat.

O Mi Deus quando ero tandem ita sollicitus, ut perficiam quæ mandantur & præscribuntur in sacris litteris, sicut tu modo? quando conabor me vel semel vere conformare non dico, sacræ scripturæ toti ad plenitudinem; hæc enim tibi soli convenit, sed ad unicam illam paginam Decalogi, vel duorum præceptorum charitatis? ut te amem toto corde, tibi gratus sim, mandata tua observem, hodie, hodie mi Jesu da gratiam, ut cum gratia sancti spiritus incipiam & nunquam deficiam, satis eheu & nimium satis deflexi à mandatis tuis usque modo, pro pudore & dolor!

§. 77. Quia sic oportet fieri. v. 54.

Ut tandem concluderet Christus unico quasi verbo omnes rationes quibus Petrum moverat ad desistendum à persecutione Iudæorum, dixit, quia sic oportet fieri, scilicet oportet Christum pati & ita intrare in gloriam suam, & te oportet desistere ab impediendo proposito Dei, verbum enim oportet pro veritate materiæ substratæ indicat necessitatatem vel decetiam tam ratione Christi filij Dei, quam hominis redimenti. Filij Dei, quidem quia ipse voluit, juxta Prophetam dicentem, oblatus est quia ipse voluit, ratione hominis, quia omnes eramus filii iræ, ejecti ob peccatum Adæ ē Paradiso sine fine mansuri miseri: misertus est ergo nostri filius Dei unigenitus & obtulit se Patri ad satisfaciendum pro nobis, iuxta id: Apparuit benignitas &

F humana